



Comunicât pe stampe

'La salût e je di ducj'. Dai 3 di Fevrâr su Onde Furlane si fevele di sanitât e migrazions
Une gnove transmission de "radio libare dai furlans" par cure di Guglielmo Pitzalis e di Giorgia Zamparo
Une rubriche mensîl di servizi e di aprofondiment metude adun cu la colaborazion dal GrIS F-VG e de SIMM

La salût e je di ducj. Al è daûr di chest principi di fonde che al nas un gnûf program che al va a zontâsi a chei altris che a son tal palinsest di **Radio Onde Furlane**. Il so titul al è propit **La salût e je di ducj** e la sô prime pontade e larà in onde ai **3 di Fevrâr**.

La rubriche, che e ven curade e condusude de bande di **Guglielmo Pitzalis** e di **Giorgia Zamparo**, e à chêt di meti in comun e di pandi ator informazions e cognossincis in cont di salût, sanitât e migrazions, cuntun ategjament positîf, che al va daûr dal spirt de "radio libare dai furlans".

La salût e je di ducj e je una transmission di servizi, di aprofondiment culturâl e di divulgazion scientifiche, metude adun ancje cu la colaborazion dal **GrIS (Gruppo Immigrazione Salute del Friuli-VG)** e de **SIMM (Società italiana di medicina delle migrazioni)**.

Ogni apontament al frontarà un argoment specific, simpri cun chêt vision complessive de cuistion, che e ven sciaride ben tal sottitul dal program: **Migrazions e benstâ dai forescj e de comunitât locâl**.

La salût e je di ducj e je une transmission mensîl, che e va in onde in direte **il prin miercus di ogni mê** a **10 e mieze a buinore** e in repliche ta chêt stesse setemane, **la sabide a 3 dopomisdì** e **la domenie a 11 e mieze**, in modulazion di frecuece (**90 Mhz** pe plui part dal Friûl e **90.2 Mhz** in Cjargne) e su internet ae direzion www.ondefurlane.eu.

Onde Furlane si pues scoltâle ancje cul smartphone, cul tablet, cul iPhone e cul iPad cuntune **aplicazion** specifiche, che si cjate **in rê** e che **si pues discjamâle sore nuie**.

Info per i media: Marco Stolfo, marc.britule@gmail.com, +39 349 6466002.